



Broj: 06-1-07-1-56/19
Sarajevo, 08.02.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 14. sjednici, održanoj 08.02.2019. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Zeničko-dobojskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Zeničko-dobojskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista predlagača Arnaut Edina dobila je 0 glasova – nije osvojila mandat.
2. Kandidatska lista predlagača Isak Rame dobila je 9 glasova - jedan (1) mandat.
3. Kandidatska lista predlagača Pivić Rame dobila je 7 glasova - jedan (1) mandat.
4. Kandidatska lista predlagača Kapić Jasminka dobila je 9 glasova - jedan (1) mandat.
5. Kandidatska lista predlagateljice Ugarak Meldine dobila je 0 glasova - nije osvojila mandat.
6. Kandidatska lista predlagača Ahmić Amera dobila je 0 glasova - nije osvojila mandat.
7. Kandidatska lista predlagača Duvnjak Jasmina dobila je 0 glasova - nije osvojila mandat.

b) Kandidatske liste iz reda hrvatskog naroda:

1. Kandidacijska lista predlagatelja Tadić Ive dobila je 5 glasova - jedan (1) mandat.
2. Kandidacijska lista predlagatelja Kaser Vedrana dobila je 4 glasa - nije osvojila mandat.
3. Kandidacijska lista predlagateljice Kalas Vlaste dobila je 0 glasova - nije osvojila mandat.

c) Kandidatska lista iz reda srpskog naroda:

1. Kandidatska lista predlagača Simić Mladena dobila je 1 glas – jedan (1) mandat.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Zeničko-dobojskog kantona delegatima:

1. Isak Ramo (Bošnjak)
2. Duvnjak Jasmin (Bošnjak)
3. Kapić Jasminko (Bošnjak)
4. Tadić Ivo (Hrvat)
5. Simić Mladen (Srbin)

O b r a z l o ž e n j e

Skupština Zeničko-dobojskog kantona dostavila je Centralnoj izbornoj komisiji Bosne i Hercegovine, dana 07.02.2019. godine, akt broj: 01-01-18651-12/18 od 07.02.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Zeničko-dobojskog kantona, koji čine: Zaključak Skupštine o radu Komisije za izbor i imenovanja, Izvještaj sa 2. sjednice Komisije za izbor i imenovanja, Izvještaj sa 3. sjednice Komisije za izbor i imenovanja, glasački listići, spisak zastupnika koji su pristupili glasanju i odluke o osnivanju klubova poslanika.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Zeničko-dobojskog kantona, u skladu s članom 21. stav (3) tačka d) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, bira se ukupno **šest (6)** delegata i to tri (3) iz reda bošnjačkog naroda, jedan (1) iz reda hrvatskog naroda, jedan (1) iz reda srpskog naroda i jedan (1) iz reda Ostalih.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH iz Zeničko-dobojskog kantona, utvrđeni su sljedeći rezultati:

a) Kandidatske liste iz reda bošnjačkog naroda:

1. Kandidatska lista predlagача Arnaut Edina dobila je 0 glasova,
2. Kandidatska lista predlagача Isak Rame dobila je 9 glasova,
3. Kandidatska lista predlagача Pivić Rame dobila je 7 glasova,
4. Kandidatska lista predlagача Kapić Jasminka dobila je 9 glasova,
5. Kandidatska lista predlagateljice Ugarak Meldine dobila je 0 glasova,
6. Kandidatska lista predlagача Ahmić Amera dobila je 0 glasova,
7. Kandidatska lista predlagача Duvnjak Jasmina dobila je 0 glasova.

b) Kandidatske liste iz reda hrvatskog naroda:

1. Kandidacijska lista predlagatelja Tadić Ive dobila je 5 glasova,
2. Kandidacijska lista predlagatelja Kaser Vedrana dobila je 4 glasa,
3. Kandidacijska lista predlagateljice Kalas Vlaste dobila je 0 glasova.

c) Kandidatska lista iz reda srpskog naroda:

- d) Kandidatska lista predlagача Simić Mladena dobila je 1 glas.

Imajući u vidu da su ispunjeni svi zakonski uvjeti za utvrđivanje rezultata izbora za delegate u Dom naroda Parlamenta Federacije Bosne i Hercegovine iz Skupštine Zeničko-dobojskog kantona, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke u skladu sa članom 6.9 stav (1) i (2) Izbornog zakona Bosne i Hercegovine može se podnijeti žalba Apelacionom odjelu Suda Bosne i Hercegovine u roku od dva dana od dana prijema ove odluke, koja se dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata, na broj: 033/ 251-329 ili neposredno u sjedištu Centralne izborne komisije BiH, ulica Danijela Ozme 7 Sarajevo.

Shodno Zaključku Centralne izborne komisije BiH, broj: 05-1-07-1-50/19 od 08.02.2019. godine, dani 09.02.2019. godine (subota) i 10.02.2019. godine (nedjelja) u periodu od 08,00 do 16,00 sati su radni dani na protokolu Centralne izborne komisije BiH za potrebe podnošenja žalbi na ovu odluku.

Dostaviti:

1. Skupština Zeničko-dobojskog kantona,
2. a/a.

